



Sesida dals

25 d'october 2022

Communitgà ils

26 d'october 2022

Protocol nr.

817/2022

Dumonda Tomaschett

concernent il tunnel dal Tödi: Cura vegn quel realisà?

Resposta da la Regenza

La finanziaziun d'infrastructuras da viafier è chausa da la Confederaziun. Per regla pon ils chantuns inoltrar mintga 10 onns novs concepts da purschidas sur la regiun da planisaziun, a la quala els èn attribuids (per il chantun Grischun è quai la regiun da planisaziun Ost). Quests concepts vegnan lura valitads da l'Uffizi federal da traffic (UFT).

Tar la dumonda 1: L'Uffizi federal da traffic (UFT) determinescha criteris per ina inoltraziun en il pass da cumplettaziun dal Program da svilup strategic da l'infrastructura da viafier (PC PROSSIV). En in conclus federal vegnan lura deliberads ils projects correspundents per il proxim PC PROSSIV. Suentar avair respundì a la dumonda Tomaschett concernent il tunnel lingia Tödi da l'onn 2013 en il Cussegl grond ha il chantun Grischun – en enclegientscha cun il chantun Glaruna – bain tegnì pendent l'idea dal project, dentant betg persequità vinavant quella cun prioritad. Questa decisiun han ins prendì sin basa dals criteris da valitaziun da la Confederaziun. Tenor las premissas da la Confederaziun era l'idea dal project «tunnel dal Tödi» pauc empermettenta, damai che auters projects da la regiun da planisaziun avevan ina priorisaziun pli auta. Perquai n'è l'idea dal project «tunnel dal Tödi» betg vegnida messa sin la glista d'inoltraziuns da la regiun da planisaziun.

Tar las dumondas 2 e 3: I na dat nagins indizis, ch'ils criteris dal UFT sajan sa midads talmain u ch'els vegnian anc a sa midar, uschia che l'inoltraziun dal project qua avant maun avess meglras schanzas e ch'ella vegniss tras quai validada autramain ch'en il rom da l'evaluaziun tar il PC PROSSIV 2035. Las premissas per l'elavuraziun

d'in studi tenor l'artitgel 48d da la Lescha federala davart las viafiers (LViafier; CS 742.101) n'èn pia betg ademplidas. Ultra da quai stoi vegnir remartgà, ch'auters projects d'infrastructura da viafier han in pli grond niz per l'economia publica dal chantun Grischun, e quai tant per la populaziun, per il turissem sco er per l'economia. Quests auters projects ston pia vegnir tractads cun pli auta prioritad ch'il project «tunnel dal Tödi».



En num da la Regenza

Il president:

A handwritten signature in black ink, appearing to read "M. Caduff".

Marcus Caduff

Il chancelier:

A handwritten signature in black ink, appearing to read "D. Spadin".

Daniel Spadin